

## 2 Peed

### Ta jawén Jesus hã h'yy ka'eeh do hã Peed ma erih do hahỹh

<sup>1</sup> Simaw Peed, Jesus Kristo karom, ta mejũũ do see ỹ ti hỹh. Ỹ edëng bëeh, ãã nemuun Jesus Kristo hyb n'aa P'op Hagä Do hã h'yy ka'eeh doo. Baad had'op ti Jesus Kristo P'op Hagä Do ër h'yy kaha'eeh doo, ër h'yyb tym dëeb. Baad had'op tabahadoo do hyb n'aa ër hã tabanoo P'op Hagä Do hã ër h'yy ka'eeh hyb n'aa. Tak'ëp baad ub ta ti ër h'yy ka'eeh do ër hã tanoo doo. <sup>2</sup> P'op Hagä Doo, Jesus ër Wahë N'aa na-ããj hë bë bahapäh do hyb n'aa bë h'yyb gó, ỹ karën tak'ëp P'op Hagä Do ky enyym bë wë, ỹ karën baad had'yyt hë bë tah'yyb en'yym.

*Tak'ëp ji hyb n'aa tam'aah baad had'yyt hë ji bawät hyb n'aa ky n'aa hahỹh*

<sup>3</sup> Ta hejój me P'op Hagä Do an'oo däk ër hã sahõnh hë baad hadoo doo, ji bahajaa hyb n'aa papuuj gó, takarën doo da ji bawät hyb n'aa. Ta ti tawén n'oo däk ër hã, Kristo, ër tanaëej wät do ër hapëë däg kãn do hyb n'aa ër h'yyb gó. Ta kabaj'aa doo me, tak'ëp taky enyym doo me ër tanaëej wät ta karapee ër bahadoo hyb n'aa. <sup>4</sup> Ta kabaj'aa do hyb n'aa, tak'ëp taky enyym do hyb n'aa na-ããj hë, tak'ëp baad hadoo doo, tak'ëp ji kamahãn do taky däng paa ër hã. Ta ti ër hã taky däng do an'oo bä, baad P'op Hagä Do bawät doo da ër babok hyb n'aa. Ër hã taky däng do tan'oo bä na-ããj hë ër bedëp hyb n'aa, Jesus hã h'yy kana'eeh do sa h'yyb karejãã do mahãnh. Nesaa do ji h'yyb säg karën do jawén rababok do hyb n'aa sa h'yyb karejãã tii.

<sup>5</sup> Ta ti hyb n'aa né hē, taw'āāts hē tak'ēp bē hyb n'aa tam'aah takah'ũum hyb n'aa bē h'yy ka'eeh doo. Taw'āāts hē baad had'yyt hē bē babok. Taw'āāts hē bē hyb n'aa tam'aah bē h'yy ganāng hyb n'aa P'op Hagā Do karēn do hā. <sup>6</sup> Taw'āāts hē bē h'yyb bē mesoo, bē h'yyb karēn do jawén bē nabok hyb n'aa. Taw'āāts hē h'yy ganajēng doo me bē baboo had'yyt hē. Taw'āāts hē P'op Hagā Do karēn doo da bē babok. <sup>7</sup> Taw'āāts hē bē kamahān bē wakāan hedoo doo, bē nemuun Jesus hā h'yy ka'eeh doo. Taw'āāts hē bē kamahān sahōnh hē ta wób. <sup>8</sup> Sahōnh hē ta ti takahũum bā had'yyt hē bē h'yyb gó, dooh daap hē tado da tii bā Jesus Kristo, ər Wahē N'aa bē hapāh doo. Baad hadoo ta hanaa tii. <sup>9</sup> Tii d' nado ỹ etsén wāt doo da nabok do hā. Baad rabanahapāh do hadoo tii. Ty temah do hadoo.\* Ramabaan nesaa do sa hā hanāng do paa kawug hōm doo. <sup>10</sup> Ti hyb n'aa, wakān haa hedoo doo, taw'āāts hē ta bahānh bē hyb n'aa tam'aah, P'op Hagā Do naēēj wāt do wób né bēeh, bē metēeh hyb n'aa, P'op Hagā Do asēew hōm do wób né bēeh, bē metēeh hyb n'aa. Sahōnh hē ta ti bē hā ỹ ets'ēē wāt do bē moo boo bā, dooh né da bē h'yy keréd hōm bā P'op Hagā Do hā. <sup>11</sup> Tii bā, baad bē P'op Hagā Do gadoo da Jesus Kristo, ər Wahē N'aa, ər h'yyb tym dēeb tabagāā had'yyt doo bā.

*Te hub né hē* Jesus mejūū do rama metēek do ky n'aa hahỹh

<sup>12</sup> Bē hapēē dāg né paawā bē ỹ ma erii wāt do ky n'aa, baad bē gado dāg né paawā bē h'yyb gó baad hadoo do ky n'aa bē rama met'ēēg wāt doo, ỹ karēn bē hyb n'aa es'ee had'yyt hē ta tii. Dooh ỹ h'yy gajēē hōm bā bē ỹ maher'oot doo, bē manabaan hyb n'aa. <sup>13</sup> Hā ỹỹ, taw'āāts hē tii da

---

\* 1:9 Dooh rah'yy gah'ood bā P'op Hagā Do karēn do hā, tahanāng pé tii.

bë ȳ maher'ood had'yyt hē badäk hahȳȳ bā ȳ bawät nä bā, <sup>14</sup> edaa däk ȳ bahapäh do hyb n'aa badäk hahȳȳ bā ȳ bawät do gawatsik. Ęr Wahë N'aa, Jesus Kristo metä wät ta ti hā ȳȳ. <sup>15</sup> Edaa däk ȳ dajëp doo. Ti hyb n'aa ȳ karën sahõnh hē ȳ moo wät ȳ hajaa doo, badäk hahȳȳ bā ȳ bawät nä bā, ȳ dajëp jawén paa bā na-ãäj hē bë hyb n'aa es'ee had'yyt hē hyb n'aa ta ti bë ȳ maher'ood wät doo.

<sup>16</sup> Ęr Wahë N'aa Jesus Kristo hejój ky n'aa bë ãã maher'oot noo gó, p'aa hēnh da tamatëeh bë ãã maher'oot bā, dooh sa panyyg ub h'ygy ganyy gó sa daaj hē rahyb n'aa newëë do ãã ky s'ũüd bā. ãã daaj hē né hē ãã matym me ãã bahapäh tak'ëp ta kabaj'aa doo, <sup>17-18</sup> waëë P'op Hagä Do wë kasëew hõm do jó. Ta tii bā P'op Hagä Doo, ta Yb, weh'ëeh ta hā, ta bag tak'ëp gabarëeh doo gó tabawät tabanoo na-ãäj hē. Hahȳȳ da P'op Hagä Do kyyh ta hā: “Hahȳ tah ȳȳ, tak'ëp ȳ kamahãn up doo. Baad ȳ h'ygy gadajang ta wë”,<sup>†</sup> näng mäh. ãã daaj hē ãã maa napäh ta kyyh, Jesus sii ta tii bā ãã bab'ëeh bā.

<sup>19</sup> Ta ti ãã bahapäh, ta ti ãã maa napäh do hyb n'aa na-ãäj hē, ta bahãnh baad ãã bahapäh te hub né hē Kristo matëeh do ky n'aa hā P'op Hagä Do ky n'aa rod rerih do paah. Ti hyb n'aa ȳ karën paawä baad bë hyb n'aa matakä Kristo ky n'aa rerih do paa hā. Ta bag atsëm ta tyw n'aa ji hā tametëeh do hadoo rerih do paah. P'op Hagä Do ky n'aa rod rerih do hā bë hyb n'aa matakä bā bë da hapäh ny hadoo do ji ky daheeh, ny hadoo do noo kanesa doo. Taw'ãäts hē rerih do bë ky dahé had'yyt hē Kristo matëeh bā kä. Tii bā kä, baad Kristo bë da tah'ygy gan'ygy P'op Hagä Do hā. Watom tapaj'ëë bā hana do hadoo bë hā Kristo. <sup>20</sup> Hahȳ ti baad ȳ karën bë hyb n'aa newëë: Dooh sa hanaa tado bā P'op Hagä Do kyy kerih doo gó ta ky n'aa

<sup>†</sup> 1:17-18 Matew 17.5, Maah-Ko 9.7, Rukas 9.35

rod rerii bong do paah. <sup>21</sup> Dooh sa hanaa tado bä ta jawén hawät do ky n'aa raher'oot do paah. P'op Hagä Do Sahee h'yyb mahüüm paa tii, P'op Hagä Do kyyh ramaher'oot hyb n'aa.

## 2

### *Ma matëg oow ky n'aa hahÿÿh*

<sup>1</sup> Isaraéw buuj mahang P'op Hagä Do ky n'aa rod oow, noo kanesa doo, rababong do paa hadoo, bë mahang na-ãäj hë ti anäng da ma matëg oow. Ky kamep'ëëh doo me rama metëëk da te hub nadoo doo. Kristo, sa kariw n'aa, sa danäh, tadajëp doo me tedëëb wät do sa hä, ramakyyys da. Jé sa kyyh maa newëë do reréd höm da Jesus hä rah'yy ka'eeh do paah. Ti hedoo do ma matëg oow nayyw hë sa daaj hë sa ky n'aa katakyyk baad nadoo do hä. Gawatsig höm da. <sup>2</sup> Hajök da ky s'üüt ma matëg oow. Nu meby n'aa näng do ma matëg oow ramoo bok do ramoo bok da na-ãäj hë. Sa hyb n'aa Jesus hä h'yy kana'eeh do baad nadoo doo me raheer'oot da ta tyw n'aa heh'äät doo. <sup>3</sup> Tak'ëp ta sãm hä rah'yy kajäk do hyb n'aa, sa panyyg sa daaj hë rahyb n'aa newëë doo me ma matëg oow bë da rawedii, bë wë hanäng do bë anoo hyb n'aa sa hä. P'ooj däg P'op Hagä Do h'yyb dëë däk nesaa do hä taky n'aa etyy ta tii. P'op Hagä Do rejää né da tii. Dooh da rakedëëb bä. <sup>4</sup> Dooh P'op Hagä Do t'yyd mehïin bä ääs wób p'ooj ub nesaa do moo bok doo. Tabanesaa hënh tadewäts bëëh tii, t'öp gadagyp doo gó. Ta tii bä ragada P'op Hagä Do ky n'aa etyy noo gó sa hä. <sup>5</sup> Dooh na-ãäj hë P'op Hagä Do t'yyd mehïin bä ta hä waneh'ëëh do p'ooj ub habok doo, hag'yyp do tamejüü noo gó sa wë. Jääm hë Nowéh tabed'ëëp naëng hag'yyp do mahänh, setsi ta sii habok do sii hë. Nowéh tii, ta wób tamaher'ood had'yyt hë P'op Hagä Do karën doo da rababok hyb n'aa paawä. <sup>6</sup> P'op Hagä Do ky n'aa etyy

paa panang Sodoma, Gomoha häd enäh do ta babuj n'aa sii hē tēeg hōō me, sahōnh hē tagawatsig hōm hyb n'aa. Jāām hē ta ooj mad'aak paah, tak'ēp hadoo do tamo haj'aa haj'aa. Sa hā tabad'oo do hā tametēeh nyy da tamoo wāt da P'op Hagä Do waneh'ēeh do sa hā. <sup>7</sup> Jāām hē panang buuj mahang tabed'ēep Róh, baad ub, P'op Hagä Do karēn doo da hawät doo. Tak'ēp Róh h'yy katón paa tak'ēp baad nadoo do nanäng P'op Hagä Do ky n'aa jaw'yyk do ky nadah'eeh do ramoo bong do hyb n'aa sa hā hanäng doo me. <sup>8</sup> Sa mahang Róh bawät paah. Ta äh hā had'yyt hē Róh, P'op Hagä Do karēn doo da hawät do ahoop paa ta h'yyb gó, tahapäh do hyb n'aa, tamaa napäh do hyb n'aa na-ääj hē nesaa do panang buuj ramoo bok doo. <sup>9</sup> Hÿÿ kä, ta tii da P'op Hagä Do t'yyd manehiïn do hyb n'aa paa nesaa do moo heb'oooh doo, tii da tabed'ēep do hyb n'aa paa baad habok doo, ji hapäh hahÿÿh: P'op Hagä Do hajaa né hē takarēn doo da habok do tabed'ēep hejoonh do sa hā kametyy do mahänh. P'op Hagä Do hajaa na-ääj hē tarejä had'yyt hē nesaa do moo heb'oooh doo, sahōnh hē taky n'aa etyy noo gó kajaa bä kä.\* <sup>10</sup> Tarejäã do mahang tak'ēp sa bahänh tarejäã da nesaa do sa h'yyb säg karēn do jawén habok do hyb n'aa nu meby n'aa näng do sa hā hanäng doo me moo bok doo, baad nahado bong do hajaa do P'op Hagä Do matym gó. Sa bahänh P'op Hagä Do rejää da tajejüü do mak'yyys doo.

Sa hā hē ma matëg oow rah'yy kasab'ee. Rah'yy karēn doo da ramoo bok. Dooh raky daheeh péh. Dooh rajeÿÿm pé ta tii. Ti hyb n'aa, dooh rajeÿÿm bä kabaj'aa do nes'aa

---

\* 2:9 Jesus matēeh noo gó P'op Hagä Do ky n'aa etyy da sahōnh hē badäk hahÿÿ hā habok do paah, äãs sii hē. Nesaa do moo heb'oooh do taky n'aa etyy da banesaa hēnh rahob had'yyt hē hyb n'aa. Nahëej tii bä rahoop doo.

padëek do raky n'aa rejã bã. <sup>11</sup> Ããs kä, ma matëg oow sa bahãnh hejooj né paawã, sa bahãnh rahyb n'aa jewyg né paawã, dooh raky n'aa rejãã doo me Tak'ëp Hyb N'aa Jawyk Do matym gó raky n'aa tapa bã kabaj'aa do nes'aa padëek doo. <sup>12</sup> Har'ëëng hadoo ti ma matëg oow. Dooh har'ëëng rah'yy genã bã. Ti abong har'ëëng ji masoo hyb n'aa, ji nabooh hyb n'aa. Har'ëëng h'yy ganenãh do hadoo ma matëg oow ÿ wén nãng, tak'ëp baad nadoo doo me rabaher'oot ranahapãh do hã. Ti hyb n'aa P'op Hagã Do gawats'iik da tii, har'ëëng ji nabooh do hadoo. <sup>13</sup> P'op Hagã Do rejãã da ta tii, ta wób rarahejãã do mabaj. Baad ub sa hã pé adëb bã sii hë rah'yy karën doo da rababok, baad nado né paawã, nu meby n'aa nyy né paawã ti rah'yy karën doo. Séd hã bë bawëh noo gó ragen'aak baad nadoo do sa h'yyb säg karën do ramoo bok bë sii rawëë bã. Baad nado ta wób raher'oot da bë ky n'aa tii d' bë mahang rababok do hyb n'aa. Tak'ëp bë nu mebyk ran'oo bã. <sup>14</sup> Ýÿj sa patug wad'ii do hã rah'yyb padëek had'yyt hë sa wë rababok hyb n'aa. Dooh reréd nesaa doo. Rah'yyb tatuk sa da rah'yyb hedoo hyb n'aa P'op Hagã Do kyyh baad nahapãh do hyb n'aa nayyw hë h'yy keh'ÿÿt doo. Sa h'yyb ramet'ëëg däk, sa h'yyb karën do rahyb n'aa h'üüm hyb n'aa. P'op Hagã Do ky n'aa was'ee padëek do tii! <sup>15</sup> Reréd hõm ta tyw n'aa baad hadoo doo. Ti hyb n'aa baad nadoo do jawén rababoo däk. Barãm, Beor t'aah, p'ooj ub hawät do mo n'aa me rabad'oo. Tak'ëp Barãm h'yyb däk paa ta sãm hã, Isaraéw buuj maji ta hã raky kajãk doo, Isaraéw buuj taky n'aa wasee hyb n'aa paawã. <sup>16</sup> Ta sãm, ta hã raky kajãk do jawén tabahõm bã, ta tyw n'aa baa bã, P'op Hagã Do nabuuj gedoo mã ta hã. Hahÿÿ d' paa tii: Jumeto, ta mas'ãã tajawät doo, aj'yy kyy me tamaher'oot paah, dooh né paawã jumeto rahaja bã raher'ood bã. Jumeto meduuk P'op Hagã Do ky n'aa rod Barãm häd nãng doo, tamoo

nawät hyb n'aa tak'ëp baad nadoo doo.

<sup>17</sup> Naëng k'ãäts gó naa ganyyh do mawooj däk do hadoo ta ti ma matëg oow. Naëng poo mahauk do tabës do hadoo. Ji wad'ii do tii. Ti hyb n'aa P'op Hagä Do enyyw däk sa hyb n'aa tak'ëp badagyp doo, tadewäts bëëh hyb n'aa gadagyp doo gó. <sup>18</sup> Daap hadoo do ti raheer'oot doo. Ti hadoo né hë, kyyh tak'ëp hetsooh do rakamasab'ee do ji ramaher'oot, ta tii me rah'yyb tatuk hyb n'aa nag'aap hë baad nadoo do habok do mahãnh kedëeb bong doo, nag'aap hë Jesus hã h'yy kae padëek doo, baad P'op Hagä Do kyyh hã h'yy ganenäh nä doo. Tahajaa, näk mä sa kyyh, ji äã bä ji ýým, ji patug nadoo do sii ji h'yyb säg karën doo da né hë. Ta tii da rah'yyb tatuk sa hã. <sup>19</sup> Hahÿÿ da raky kajäk sa kyyh maa newëe do sa hã: “Äã ma metëek do bë gado bä, baad ub da bë babok tii bä. Dooch mejõ wät pé bë hã”, näk sa kyyh. Tii d' né paawä ta wób hã raky kajäk, nesaa do sa h'yyb karën do karom ti ma matëg oow. Nesaa do mejõ had'yyt hë sa hã. Bë hyb n'aa newë hahÿÿh: Ji hã j'aa ketsë doo, ti né hë ji hã mejüü doo. Nesaa do sa h'yyb karën do j'aa ketsëe däk sa hã. Ta ti sa hã mejüü do ti ramoo boo had'yyt hë. <sup>20</sup> Hahÿ hyb n'aa ý wén her'oot ta tii da sa ky n'aa hã: Pooj jé ër Wahë N'aa, ër h'yyb tym dëeb, Jesus Kristo rabahapäh do hyb n'aa sa h'yyb gó, reréd hõm dó nesaa do badäk hahÿÿ hã habong do P'op Hagä Do hã h'yy kana'eeh do rabahed'oo doo, baad nado wäd ji bahadoo hanoo doo. P'aa hënh kä ta ti nesaa do j'aa ketsëe bä sa hã, p'aa hënh nesaa do ramoo bok do hyb n'aa, tak'ëp baad nado boo hÿÿ kä, p'ooj ub baad nadoo do rababok do bahãnh kä. <sup>21</sup> Taw'ãäts hë paawä ranahapäh baad hadoo do ta tyw n'aa P'op Hagä Do wë ji tamahüüm doo. Dooch né paawä baad tado bä ji nahapëe bä ta tyw n'aa baad hadoo doo, sa hã paawä taw'ãäts hë

tii. Hahỹ hyb n'aa ỹ her'oot ta tii: Rahapëë däg né paawä baad hadoo do ta tyw n'aa, p'aa hënh raberéd hõm tak'ëp hanäm do P'op Hagä Do mejüü doo. Ti hyb n'aa ta tyw n'aa nahapäh do bahãnh P'op Hagä Do rejää da hỹỹ kä sa hä. <sup>22</sup> Sa hä kametä däk hahỹ pawóp hadoo do ji ky hetëg doo: “Awaar ad'ëëb jëng tehëen wät do paah.”† “Too yb hasus do mahãnh hehob wät doo, p'aa hënh da tsapab gó takahep'uut.”‡

### 3

#### *Jesus matëëh noo gó ky n'aa hahỹỹh*

<sup>1</sup> Najis haa, pawóp däg bë ỹ ma erih do hahỹỹh. Pooj jé bë ỹ ma erii wät doo, hahỹ na-ãäj hë bë ỹ wén ma erih, bë hyb n'aa esee hyb n'aa pooj jé kaher'oot do paah, baad ub bë hyb n'aa newëë hyb n'aa. <sup>2</sup> Ỹ karën bë hyb n'aa esee p'ooj ub P'op Hagä Do ky n'aa rod tsyt hë ta wë kasëew bong do raheer'oot do paah. Ỹ karën bë hyb n'aa esee na-ãäj hë Jesus, ër Wahë N'aa, ër h'yyb tym dëëb mejüü do paah, ajyy Kristo mejüü do bë wë heboo nä do bë hä ma met'ëëg wät doo. <sup>3</sup> Taw'ãäts hë baad bë bahapäh hahỹỹh: Jesus matëëh do pooj jé ti abok da nesaa do sa h'yyb karën do jawén habok doo, Jesus matëëh do ky n'aa rawajehëët doo. <sup>4</sup> Hahỹỹ da d' sa kyyh: “Matëëh mäh, taky däng paah. Te hub tado bä, ny tawät? Bë hegãã”, näk, “ër wahë n'aa ër pooj jé habong do dejëb kån. Ti hadoo né hë, paa hado had'yyt hë. Dooh takaja

---

† 2:22 Pooj jé reréd hõm nesaa do ramoo bok doo, ta jawén p'aa hënh ramoo bok, tahanäng pé tii. ‡ 2:22 Pooj jé rakarën Jesus awug hõm nesaa do sa h'yyb gó hanäng doo, ta jawén p'aa hënh ramoo bok nesaa doo, tahanäng pé tii.



bä tamatëeh do pooj jé metëe n'aa.\* Paa hado had'yyt hē badäk hahÿ kapahuuj wät noo gó naa”, näk da sa kyyh. <sup>5</sup> Dooch rakarēn bä rah'yy kadawuung bä, P'op Hagä Do ky haj'aa p'ooj ub wē kapahuuj wät doo. Dooch rakarēn bä rah'yy kadawuung bä naēng bä naa k'ääts bawooj däk do ganyyh doo, ta ky haj'aa. Naēng tetyn hōm, bawooj däk do banyy däk hyb n'aa. <sup>6</sup> Dooch rakarēn bä rahyb n'aa es'ee bä naēng hag'yyp doo me P'op Hagä Do gawats'iik paa badäk hahÿ tapahuunh do paah, ta hā habong do sii hē. P'op Hagä Do ky haj'aa tii. <sup>7</sup> Wē, papÿÿj, kamarab, sagōōh, badäk hahÿÿ da hē ji hapäh do P'op Hagä Do ennyw däk, tii d' P'op Hagä Do ky däng do hyb n'aa, tēeg hōo me ragawatsik hyb n'aa. P'op Hagä Do enäm nä ta tii. Tagawats'iik noo gó kä, sahōnh hē ta hā waneh'ëeh do tagawatsiig kän. <sup>8</sup> Bē mabaan manä hahÿ najis haa: P'op Hagä Do hā sét pénh né hē sét ta baab, miw ta baab. <sup>9</sup> Dooch P'op Hagä Do hyb n'aa p'eed bä taky däng do tamoo wät hyb n'aa, ta wób red'oo. Tii d' nado. P'op Hagä Do ky däng do tawén kanajaa nä, bē tahyb n'aa b'aah do hyb n'aa. Dooch né takarēn bä gawatsik péh. Takarēn sahōnh hē rah'yy kawereem, ta hā rah'yy ka'eeh hyb n'aa paawä. <sup>10</sup> Ti hadoo né hē, Tak'ëp Hyb N'aa Jawyk Do kajaa né da. Rah'yy kanapeet bä, raganadaa bä takajaa da. Ji ganada do hadoo hets'ëek do kajaa. Ti hadoo Tak'ëp Hyb N'aa Jawyk Do kajaa doo. Nayyw hē wē gawatsik da, hawyp do hadoo. Sahōnh hē adēē bëeh da tak'ëp haju do haj'aa. Tii bä dewuh da. Badäk hahÿÿh, sahōnh hē ta hā hanäng do na-ääj hē P'op Hagä Do ky n'aa etyy da tagawatsik hyb

\* 3:4 Matew tēg eh do 24 hā takerii däk Jesus her'oot do takajaa do pooj jé metëe n'aa. Dooch ta ti kaja däg sa nooh, ta ti rawén wajahëet Jesus matëeh do ky n'aa. Nayyw hē Jesus matëeh, ta hā h'yy ka'eeh do wób red'oo. Nayyw hē takanaja bä kä, ta wób raky sēm Jesus ky däng do paah.

n'aa.†

<sup>11</sup> Tii da sahõnh hē P'op Hagä Do gawats'iik do hyb n'aa da, taw'ääts hē tsyt hē nesaa do mahãnh baad bē babok P'op Hagä Do wē. Taw'ääts hē P'op Hagä Do karēn doo da bē babok, <sup>12</sup> baad bē gadaa nuuj jé Kristo kajaa doo, P'op Hagä Do ky däng do paah. Taw'ääts hē nayyw hē ta ti kajaa bē an'oo bā.‡ Ta ti noo gó kajaa bā kā, wē aooj jäng da. Sahõnh hē adēē bēeh da tak'ēp haju do haj'aa. <sup>13</sup> Sahõnh hē ta ti awäd né paawä, ēēr, Jesus hā h'yy ka'eeh doo, ēr gada wē papuuj, badäk hahỹ papuuj P'op Hagä Do ky däng doo da. Jããm hē baad hadoo doo, P'op Hagä Do karēn doo da habok do sa panang tii.

<sup>14</sup> Ti hyb n'aa najis haa, ta ti bē gahēen do hyb n'aa, taw'ääts hē tak'ēp bē hyb n'aa tam'aah tak'ēp baad ub bē babok hyb n'aa, tak'ēp baad ub bē bahadoo hyb n'aa P'op Hagä Do hã. Tak'ēp bē hyb n'aa tamah, h'yyb nyw gó bē baboo had'yyt hē hyb n'aa ta wē, P'op Hagä Do bahapäh hyb n'aa. <sup>15</sup> Bē hyb n'aa newē hahỹh: H'yyb jawyg gó Tak'ēp Hyb N'aa Jawyk Do gada nã, nayyw hē takanajaa, ji kedēeb wät hyb n'aa banesaa hēnh ji taky n'aa etyy do mahãnh. Tii da na-ãäj hē Paw-Ro, ēr hỹj hadoo do ēr kamahãnh do bē tama erii wät. Bē tama erii wät P'op Hagä Do h'yy gan'yyh doo da ta hã. <sup>16</sup> Ti ky n'aa né hē tama erii wät sahõnh hē tama erih do hã. Tama erih do mahang ti anäng hãd hejooñh doo, tak'ēp ji hyb n'aa manatakä bā,

---

† 3:10 Tahajaa na-ãäj hē ji erii bā: “Badäk hahỹh, sahõnh hē ta hã kapahuuj wät do na-ãäj hē aooj jäng da.” ‡ 3:12 Ji ky n'aa etsēē, nayyw hē takajaa hyb n'aa. Ji h'yy kawareem P'op Hagä Do wē, takarēn doo da had'yyt ji bawät hyb n'aa. Ji h'yy kahas'ãap Kristo ky n'aa ji mahũum do hã, sahõnh hē badäk hahỹ bā habong do raky n'aa napäh hyb n'aa na-ãäj hē, Peed hanäng pé tahyb n'aa péh, taw'ääts hē nayyw hē ta ti kajaa bē an'oo bā, taheer'ood bā.

dooh ji maa napëë bä tahanäng péh. H'yy gatemah doo, h'yy keh'ÿÿt doo, rawareem Paw-Ro erii wät doo. Ta see hadoo ta ky n'aa ran'oo bä. Tii da na-ããj hë rawareem P'op Hagä Do kyy kerih do wób. Sa daaj hë sa ky n'aa katakyyk baad nadoo do hã. <sup>17</sup> Ta ti bë hapëë däk do hyb n'aa, najis haa, taw'ããts hë bë hyb n'aa matakä, ta s'ee hënh P'op Hagä Do ky n'aa jaw'yyk do ky nadah'eeh do bë rah'yyb mahũũm mahãnh te hub nadoo do rama metëek doo me. H'yy kanehÿÿd né paawä bë da hë, sa kyyh bë maa newë bä, bë da h'yy kah'ÿÿt. Ta tyw n'aa baad hadoo do bë erét da sa kyyh bë maa newë bä. <sup>18</sup> Taw'ããts hë P'op Hagä Do kyyh hã bë hyb n'aa matakä had'yyt hë, Jesus Kristo, ër Wahë N'aa, ër h'yyb tym dëëb bë wë taky enyym do takahũũm had'yyt hë hyb n'aa, baad Kristo bë bahapäh hyb n'aa na-ããj hë bë h'yyb gó. Taw'ããts hë ti né hë ji j'aa etsëë had'yyt hë! Ýÿ. Tii d' né hë. Taw'ããts hë. Jããm hë kä.

Pop Hagä Do Panyyg Hanäm Do Hahÿÿh  
 The New Testament in the Nadëb language of Brazil (BR:mbj:Nadëb)  
 O Novo Testamento na língua Nadëb do Brasil  
 copyright © 2011 Wycliffe Bible Translators, Inc.

Language: Nadëb (Nadëb)

Translation by: Wycliffe Bible Translators

### Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nadëb

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-29

---

PDF generated using Haiola and XeLaTeX on 13 Mar 2019 from source files dated 12 Mar 2019

c5681c4e-55f8-5b64-badf-af07c5e28afc